

**YANGIQO`RG`ON TUMANLARARO  
IQTISODIY SUDI**

161200, Yangiqo`rg`on shaharchasi,  
Chortoq ko`chasi, 15-uy



**YANGIKURGAN INTERDISTRICT  
ECONOMIC COURT**

161200, Yangikurgan town,  
Chartak street, 15

Tel: 0(369) 63-22-559 0(369) 63-21-796 0(369) 63-21-886 Веб-сайт: [www.sud.uz](http://www.sud.uz) Эл.почта: [i.yangiqurgon@ud.uz](mailto:i.yangiqurgon@ud.uz)

**ЎЗБЕКИСТОН РЕСПУБЛИКАСИ НОМИДАН  
ҲАЛ ҚИЛУВ ҚАРОРИ**

Янгиқўрғон шаҳарчаси 2022 йил 18 октябрь 4-1604-2202/2706-сонли иш

Янгиқўрғон туманлараро иқтисодий суди, судья Ш.Т.Тўхтабоев раислигида, судья ёрдамчиси А.Собиржановнинг суд мажлиси котиблигида, аризачи ААнинг жавобгар ББнинг банклардаги ҳисобварақлари бўйича операцияларни тўхтатиб қўйиш тўғрисидаги аризаси бўйича қўзғатилган ишни, аризачи вакили Ф.Ғофуров (2022 йил 13 майдаги 23-25835-сонли ишончнома асосида) иштирокида, жавобгар вакили иштирокисиз, Янгиқўрғон туман давлат солиқ инспекцияси биносида, очик сайёр суд мажлисида кўриб чиқиб, қуйидагиларни

**АНИҚЛАДИ:**

АА (бундан буён матнда аризачи деб юритилади) томонидан 2022 йил 27 сентябрда солиқ ББ (бундан буён матнда жавобгар деб юритилади)га тегишли ҳужжатларни тақдим этиш ҳақида сўровнома юборилган.

Жавобгар томонидан сўровномада кўрсатилган ҳужжатларни ҳужжатларни аризачига тегишли тартибда 2022 йил 06 октябрь кунига қадар тақдим этилмаган.

Суд мажлисида ДСБ вакили жавобгар томонидан суд мажлиси кунига қадар сўровномада келтирилган ҳужжатлар тақдим этилмаганлигини маълум қилиб, аризани қаноатлантириб, жавобгарнинг банкдаги ҳисоб-варақлари бўйича операцияларни ўн кундан кўп муддатга тўхтатиб туришни сўради.

Жавобгар ишни кўриш вақти ва жойи тўғрисида тегишли равишда хабардор қилинган бўлсада, унинг вакили суд мажлисига келмади ҳамда даъво юзасидан ўз фикр-мулоҳазаларини тақдим этмади. Ўзбекистон Республикаси Иқтисодий процессуал кодексининг (бундан буён матнда ИПК деб юритилади) 128-моддаси 2-қисми 3-бандига мувофиқ, ажримнинг кўчирма нусхаси суд томонидан электрон почта орқали ёки хабардор қилинганлик фактини тасдиқловчи бошқа алоқа воситаларидан фойдаланган ҳолда юборилган кундан эътиборан уч кун ўтган бўлса, иқтисодий суд ишларини юритиш иштирокчиси суд томонидан тегишли тарзда хабардор қилинган деб ҳисобланади. Шунингдек, ИПК 170-моддасининг учинчи қисмига кўра, иш муҳокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо



уларнинг йўқлигида ҳал қилиниши мумкинлигини инобатга олиб, суд мазкур иқтисодий ишни унинг вакили иштирокисиз кўриб чиқишни лозим топади.

Суд иш ҳужжатлари билан танишиб, ДСБ вакилининг тушунтиришларини тинглаб, қуйидагиларга кўра аризани қаноатлантиришни лозим топади.

Янги таҳрирдаги Ўзбекистон Республикасининг Солиқ кодекси 111-моддасининг биринчи қисмига кўра, солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисидаги қарор солиқ органининг раҳбари (раҳбар ўринбосари) томонидан ўн кундан кўп бўлмаган муддатга қабул қилиниши мумкин. Солиқ тўловчининг (солиқ агентининг) банкдаги ҳисобварақлари бўйича операцияларни ўн кундан кўп муддатга тўхтатиб туриш тўғрисидаги қарор солиқ органининг илтимосномасига асосан суд томонидан қабул қилиниши мумкин. Бунда солиқ тўловчининг (солиқ агентининг) банк ҳисобварақлари бўйича операциялари суд томонидан қарор қабул қилингунга қадар тўхтатиб турилади.

Ушбу модда учинчи қисмининг 2-бандига кўра, солиқ тўловчи (солиқ агенти) томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаганда қўлланилиши мумкин.

Иш ҳужжатларидан кўринишича, жавобгар томонидан 2022 йил 27 сентябрдаги 20/1-59765-сонли сўровномада кўрсатилган ҳужжатлар белгиланган тартибда аризачига тақдим этилмаган.

Аризачи томонидан жавобгарнинг банклардаги ҳисобварақлари бўйича банк операциялари чиқим қисмини ўн кундан кўп бўлмаган муддатга тўхтатиб туриш тўғрисида 2022 йил 03 октябрда 20/1-60915-сонли қарор қабул қилиниб, жавобгарнинг шахсий кабинетига хабарнома юборилган.

Жавобгар томонидан хабарномага муносабат билдирилмагач, аризачи судга ариза киритиб, жавобгарнинг банклардаги ҳисобварақлари бўйича операцияларни тўхтатиб қўйишни сўраган.

Юқоридагиларга асосан суд аризани қаноатлантиришни лозим топади.

ИПК 118-моддасининг биринчи қисмига мувофиқ, суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

“Давлат божи тўғрисида”ги Ўзбекистон Республикаси қонуни 9-моддаси биринчи қисмининг 19-бандига мувофиқ, аризачи ва жавобгар — ҳуқуқий таъсир чораларини қўллаш тўғрисидаги ишлар бўйича иқтисодий судларда давлат божи тўлашдан озод қилинган.

Юқоридагиларга асосан, суд иш бўйича давлат божи ундирмасликни лозим топади.

Баён этилганларга кўра ҳамда ИПКнинг 128, 170, 176-179, 186, ва 222– моддаларини қўллаб, суд

## **ҚАРОР ҚИЛДИ:**

ААнинг аризаси қаноатлантирилсин.



ББнинг банкдаги барча ҳисобварақлари бўйича барча чиқим операциялари тўхтатиб турилсин.

ББга хизмат кўрсатувчи барча банклар ҳисобварақлар бўйича операцияларни ўн кундан кўп муддатга тўхтатиб қўйишга сабаб бўлган ҳолат тўлиқ бартараф этилгандан сўнг АА томонидан тақдим этиладиган ёзма кўрсатма(қарор)га асосан ҳисоб-варақлар бўйича операцияларни тикласин.

Мазкур ҳал қилув қарори устидан ўн кунлик муддатда апелляция тартибида Наманган вилоят судига шикоят бериш (протест келтириш) мумкин.

**Раислик қилувчи**

**Ш.Т.Тўхтабоев**

